



МЕСЯЦА ФЕВРАЛЯ В 8-Й ДЕНЬ

Святаго великомученика Феодора Стратилата,
и святаго пророка Захария Серповидца

На Господи, воззвах: стихиры мученика 3 и
пророка 3.

Стихиры мученика, глас 4.

Подобен: Яко дбля:

 традалец доблественный, / воин непо-
бедим / Духом Святым показался еси, /
низложив борителя / мудростию словес
твоих / и дел твоих, мудре, терпеливными
явленными. / Темже приял еси венцы победныя / и с
вѣшними лики сочетался еси, / великомучениче
Феодоре.

Божественный столп был еси / благочестия,
пребогате, / злочестивых капищ возгнушався, / и
овча всесовершенно, / и заколение благоприятно /
заклавшемуся тебе ради, чисте приводим / про-
славльшему святую твою память / и чудес сокрови-
ще ты сущим в мире / даровавшему, Феодоре.

На крест воздвиген, / и плоти струžeme, / и
острыми стрелами уязвляемь, / и на древе протяза-
емь, / и мечи усекаемь, / и всякими хитростями
болѣзней окружаемь, / непреклонен и непобедим
явился еси / силою на Кресте Пригвожденнаго, /
слава мучеников, Феодоре.

Ины стихиры пророка, глас 8.

Подобен: Что вас наречем:

Имея житие равноангельно, / со Ангелы, Богояв-
ленно, беседеши яве. / Теми убо яже паче ума /
просвещая ум, / образ чюдных очищение, / вели-

ких та́ин откровéние, / прорóческое провещáние, /
духóвное возновлéние, / моли́ спаст́ся душáм
на́шим.

Ангел яв́ился еси́ зéмлен, / на земл́и Небéсныя
собесéдники имéв, / зр́итель прем́рных видéний
быв, / свет́ильник мýсленный, свет облистáющ, /
мáслина, псалóмски рещ́и, плодови́та, / Богодéй-
ственно иска́пающи благочест́вым елéй, / моли́
спаст́ся душáм на́шим.

Надéемага обожéния наслаждáясь, / я́ко прорóк
йстиннейший Бóжий, / и я́сно присносúщныя на-
сыщáясь слáдости, / и слáву неизглагóланную
в́идя, / и добрóты венцы́ укра́шен, / о нас, пою́щих
тя, моли́ / прилéжно, Богоприятне, / спаст́ся ду-
шáм на́шим.

**Аще есть пост, Сла́ва, и ны́не, Богорóдичен или Кресто-
богорóдичен (п́исаны в 18-й день). Аще ли несть поста́, поéм и
самогласен свята́го. Сла́ва, глас 8:**

**Бóжиих дарóв я́ко тезоимен́ита / и тогó наслéдни-
ка блажéнства вси восхва́лим, вёрнии, / и ублаж́им
по достоя́нию Феóдора, дóбляго великомúченика, /
вселéнныя побóрника, / мо́лится бо Христý Бóгу о
душáх на́ших.**

И ны́не, пра́здника, глас то́йже:

Иже на Херув́имех нос́имый и певáемый от
Сераф́им, / днесь в Божéственное святи́лице по
закóну принос́им, / на стáрческих, я́ко на престó-
ле, сед́ит рука́х / и от Йо́сифа приéмлет да́ры
Боголéпно, / я́ко супрýг гóрличиц, / несквёрную
цёрковь и от язýк новоизбра́нныя лю́ди, / голуб́и-
на же два птенца́, / я́ко Нача́льник Вётхаго же и
Но́ваго. / Е́же к Немý обеща́ния Симеóн конéц
приéм, / благослóвля Дéву Ма́рию Богорóдицу, /
страстéй о́бразы, и́же из Нея́, провозглас́и / и от
Негó прошáше отпу́щения, вопия́: / ны́не отпусти́
мя, Влады́ко, я́коже прéжде возвест́и ми, / я́ко
в́идех Тя, Первовéчнаго Свéта / и Спа́са Гóспода
христоимен́итым лю́дем.

На стихóвне стих́иры, глас 2.

Подóбен: Дóме Евфра́фов:

**Двéри Небéсныя, отвéрзитесь, / Христóс бо в
цёрковь / я́ко Младéнец / Ма́терию Дéвою / Бóгу и
Отцý прино́сится.**

Стих: Ны́не отпу́щаеши раба́ Твоего́, Влады́ко, / по глаго́лу Твоему́, с миром.

Угль, проявля́йся / Божественному Иса́ии,— Христо́с, / я́ко кля́цями, / рука́ми Богоро́дицы / ны́не ста́рцу даётся.

Стих: Свет во открове́ние язы́ков / и сла́ву люде́й Твои́х Изра́иля.

Стра́хом же и ра́достью / на рука́х Влады́ку / Симео́н держа́, / живота́ проша́ше разреше́ния, / поя́ Богома́терь.

Сла́ва, глас 5:

Днесь возсия́ па́че денни́цы / честна́я па́мьять страстоте́рща Христо́ва, / ве́рных серде́ц невиди́мо просвеща́ющи / и о́блаки душ отгоня́ющи / де́йством и благода́тию Ду́ха. / К нему́же, мучени́колю́бцы, воззове́м: / ра́дуйся, и́же ве́рным я́влься Богодарова́нная благода́ть / и чуде́с мно́жества простира́я к тебе́ притека́ющим, Феодо́ре блаже́нне. / Христа́ непреста́нно моля́, не оскуде́й / ве́чных благ получи́ти / ве́рою соверша́ющим всечестну́ю па́мьять твою́.

И ны́не, пра́здника, глас то́йже:

Ве́тхий де́ньми, младе́нствовав плоти́ю, / Ма́терию Де́вою в це́рковь прино́сится, / Своего́ зако́на исполня́я обеща́ние. / Его́же Симео́н при́йм, глаго́лаше: / ны́не отпу́щаеши с миром, по глаго́лу Твоему́, раба́ Твоего́, / ви́деша бо о́чи мой спасе́ние Твое́, Святы́й.

Тропа́рь мучени́ка, глас 4:

Воинствосло́вием и́стинным, страстоте́рпче, / Небе́снаго Ца́ря воево́да предобры́й был еси́, Феодо́ре, / ору́жиями бо ве́ры ополчи́лся еси́ му́дренно, / и победи́л еси́ де́монов полки́, / и победоно́сный яви́лся еси́ страда́лец. / Те́мже ты ве́рою / при́сно ублажа́ем.

Сла́ва, и ны́не, пра́здника.

Ра́дуйся, Благода́тная Богоро́дице Де́во, / из Тебе́ бо возсия́ Со́лнце Пра́вды—Христо́с Бог наш, / просвеща́яй су́щия во тьме. / Весели́ся и ты, ста́рче пра́ведный, / прие́мый во объ́ятия Свобо́дителя́ душ на́ших, / да́рующего нам воскресе́ние.

НА УТРЕНИ

На Бог Господь: тропарь праздника, дважды.

Слава, мученика: И ныне, праздника.

По 1-й стихологии седален, глас 3.

Подобен: Красоте девства:

От Девы Ты воплощенна, Христэ, радуясь, подъят священный Симеон,— / ныне отпускаеши,— вопия,— раба Твоего, Владыко. / Анна же непорочная, пророчица и славная, / ныне исповедание и пение приносит Тебе. / Мы же, Жизнодавче, вопием Ти: / слава тако благоволившему.

Слава, и ныне, тойже.

По 2-й стихологии седален, глас 8.

Подобен: Свирелей пастырских:

Родился еси на земли, Собезначальный Отцу, / принеслся еси в церковь, Непостижимый, / радуясь же, старец на руки Ты восприят, зовый: / ныне отпускаеши, егже посетил еси по глаголу Твоему, / благоизволивый спасти, яко Бог, род человеческий.

Слава, и ныне, тойже:

**Канон праздника, со ирмосом на 6,
и святых два, на 8.**

Канон мученика, глас 8.

Песнь 1

Ирмос: Колесницегонителя фараона погрузи, / чудотвори иногда / Моисейский жезл, крестообразно поразив / и разделив море, / Израиля же, беглеца, пешеходца спасе, / песнь Божии воспевающая.

Божественными яве светлостями удобряясь, / страдальческим венцем священноукрашаемь / и славою облистаемь Святые Троицы, / хвалящая ты поминай, великий в мученицех Феодоре.

Исполнь света, исполнь Божественная благодати, / нам возсия священная память честных подвигов твоих, / пресветлыми светлостями озаряющи всех, благочестно ты почитающих, / мучениче страсто-терпче Феодоре.

Идолстей одержавши бури человечество, / священный мученик, окормляемь Крестом Божественною благодатию, небурно преплыв, / и в пристанища достиже Небесная, радуясь.

Богородичен: Двѣре Божія, покаянія двѣри ми, Дѣво, отвѣрзи, / помышлѣньми Божѣственнымнми дѹшу мою просвети / и страстѣй отженіи тяжкія облаки, / яко да почитаю, радуяся, и должно ублажаю Тя.

**Канон пророка, глас 8.
Песнь 1**

Ирмос: Поим Господеви, / проведшему люди Своя сквозе Чермное море, / яко Един славно прославися.

Имя Светодавца, твоя послушающа мольбы, / просвещение ми подаждь, Захаріе, пророче пречудный.

Украшен добротами Божественныя красоты, / Ангелов доброты зриши душевною чистотою.

Исполнен святыни ангелоподобныя светлости яко съи, Богомудре, / соглаголющия Ангелы и просвещающия имел еси, / Богопостыжене.

Богородичен: Разрешися клятва Евы праматере, Всенепорочная, / Христа бо рождши, благословенными мир обогатила еси.

Ин. Песнь 3

Ирмос: Утверждей в начале Небеса разумом / и землю на водах основавый, / на камени мя, Христе, заповедей Твоих утверди, / яко несть свят, паче Тебе, / Едине Человеколюбче.

Яко лев, дерзнув, среди судища стал еси, / возвещая спасительное слово, досаждая злочестивым, проповедавая истину / и обличая лжу безбожия, Феодоре.

Мучитель, удивлься твоему мужеству, мудре, / скотскою яростию подвигся, жилами волуями нещадно ураняет тя, Феодоре, / мерзким истуканным сокрушение соделавша.

Мужеским помыслом язвенныя капли, / яко волны морскія, Богомудре, отринул еси, / Креста благодатию укрепляемь / и венценосец Божественнаго Духа силою являясь.

Богородичен: Сотвори войстинну Тебе величїе иже от Тебе рождейся Господь, / и роди вси Тя, Божию Матерь, славят.

Ин

Ирмос: *Несть свят, яко Господь, / и несть праведен, яко Бог наш, / Егóже поёт вся тварь, / несть праведен, пáче Тебé, Гóсподи.*

Вы́шняя благодáть тебé осení / промышлénия нескáзанныа Божéственна окормлénие, / свyтýми Áнгелы научáющи, премýдре блаженне, и просвещáющи.

Божéственней блáгости наказýясь, / научылся еси́, пребогáте, яко пречы́ст, плодовы́т жы́ти Божéственным свyцénием / во граде всеосвyщеннем.

Стенá незы́блема, / утверждénие лю́дем Богомýдрым был еси́, Гóсподи, / и душáм спасénие, / якоже дрéвле провозвесты́ прорóк чýдный.

Богорóдичен: Рождество́ нетлénно и пречы́сто, Богорóдице, / Твоé чревоношénие мир избáви от тли и смёрти, / Спáса бо родилá еси́, Слово Присносу́щное.

Конда́к и икос праздника.**Седáлен мýченика, глас 8.**

Подóбен: Премýдрости:

Божéственное всеору́жие восприём и йдо́льскую лeсть низложив, / Áнгелы воздвигл еси́ восхвалити пóдвиги тво́я, / Божéственной бо любóвию ум распалив, на óгненную смёрть дóблественно дерзнул еси́. / Тёмже тезоименитно просyщим тя даéши Божéственная даровáния, страсотёрпче Феодоре. / Сего́ рáди вопиём ти: / моли́ Христá Бóга прегрешénий оставлénие даровáти / прáзднующим любóвию пáмять твою́.

Слáва прорóка, глас 3.

Подóбен: Красотé дéвства:

Впряжены́ колесни́цы ви́дел еси́, / правимы ру́кою всех Бóга, безплóтныя слугы́, / Захáрие чýдне, / с ними́же рáдуясь, яко прорóк приснопáмятный, / моли́ направитися к пу́ти Божéственного рáзума / véрою несомнénною совершáющим пáмять твою́ всесвyщенную.

И ны́не, прáздника, глас 1.

Подóбен: Лик Áнгельский:

Сый со Отцём на престóле свyтём, / пришёд на зёмлю, от Дéвы родися / и Младéнец бысть, леты́

Сый неопісан./ Егóже приім Симеóн на рúки, радуясь, глаголаше:/ ныне отпущаеши, Щедре, возвеселив раба Твоего.

Аще есть пост, Слава, и ныне, Богородичен; аще среда или пятóк, Крестобогородичен. Писаны в 28-й день.

Ин. Песнь 4

Ирмос: Ты моя крепость, Господи,/ Ты моя и сила,/ Ты мой Бог,/ Ты мое радование,/ не оставль недра Отча/ и нашу нищету посетив./ Тем с пророком Аввакумом зову Ти:/ силе Твоей слава, Человеколюбче.

Имея Христа внутрь себе, блаженне, вещающая,/ Ликийеву гордыню низложил еси словесы мудрыми./ Се воистинну, мучениче, обличил еси премногое безумие/ и дела преславными зрящия удивил еси,/ страдальче доблемудренне Феодоре.

Повешен быв беззаконием мучителя, и ногтми истерзаемь,/ и обагрён каплями, мучениче, неправедно изливаемых кровей твоих,/ умерщвления дебелства и тли совлéкл еси ризы, преблаженне Феодоре.

Богородичен: Лукавое грехов моих рукописание Божественным копием, Пречистая, расторгни,/ прободшим Божественная ребра вочеловечитися из Тебе, Дево, восхотевшаго,/ и в книзе мя написати спасаемых молися,/ без ума от Бога удаляшася.

Ин

Ирмос: Из горы приосененныя, Слове, пророк,/ Единья Богородицы,/ хотяща воплотитися Боговидно усмотри/ и со страхом славословяще силу Твою.

Едино убо просвещательное существо чести, в солнцех же трех определяемо,/ в сущая прошествиями множимо,/ яве научаеши, всеблаженне.

Колесница Божия быв, пророче, колесницы зря различны Ангельския,/ обходити вся сподобился еси, со благочинием идущия.

Священнолэпно многосветлый свещник,/ образ зриши Божественнаго светозарения,/ смотряеши же, всеблаженне, Всевидца,/ Имже всяческая спасаются.

Богородичен: Образ Твоего чистаго Рождества Боговиднии пророцы проначертают, / многовидно прообразивше и различно гаданьи Богомудрии.

Ин. Песнь 5

Ирмос: Вскую мя отринул еси / от лица Твоего, Свете Незаходимый, / и покрыла мя есть чуждая тьма, окаяннаго, / но обрати мя и к свету заповедей Твоих / пути моя направи, молюся.

Просвещаемь зарею, мучениче, Божественнаго Духа и распляемь Христовою любовью, / опаляеме плоти нерадил еси, ни ощутил еси болезни, ни вменил еси муки, / Небесными надеждами питаемь.

Иго Владыки нося на вьи прелегкое, / олова тяготю, страстотерпче преблаженне, отягчен, / не преклонился еси отнюд, ни поколебался еси, / ниже победился еси, воине доблий Феодоре.

С Небесе пригласив тя Преблагое Слово, дерзостна сотвори, / Егоже силою горькия болезни претерпел еси беззаконнующих, мучениче Христов, / и муки и нужную, славне, смерть.

Богородичен: Пребывати мя цела, непреложна стояния лучшаго, / но праве шествующа и Богоугодная деюща, Благая, умоли, / Благого рождши Слова, нас безсловесия избавльшаго.

Ин

Ирмос: От ноши неведения / Боговедением просветивый концы, / просвети мя утром человеколюбия Твоего, Господи.

Чистым сердцем и умом провидя остротою страсть Спасову, / достолепно блажится.

Преестественно святыи радуйся, Сионе, / пророк предповелевает, / грядет Царь твой, праведен и спасающий кротостию.

Пророков слава, / Богоглаголивых мужей благолепие / мир озаряет пророчества светлостию.

Богородичен: Девы Рождеством обновив нас, свободи первых согрешений, / нас ради быв Человек.

Ин. Песнь 6

Ирмос: Молитву пролию ко Господу / и Тому возвещу печали моя, / яко зол душа моя

испóлнися/ и живóт мой áду прибли́жися,/ и молю́ся, я́ко Иóна:/ от тли, Бóже, возведи́ мя.

Страсть Безстрастнаго вообража́я, распя́лся еси́, сла́вный му́чениче,/ пригвозди́вся на дрéве, преблаже́нне, и подобник Влады́це был еси́,/ разреши́вшего Крестóм человéческа́я стра́сти волею.

Повéшен, я́ко áгнец, на дрéве, и стрелáми сострéлян, блаже́нне,/ и очес зéницы избодён, и уязвлен по всему́ телеси́,/ уязвил еси́ враговъ сердца́ копие́м болéзней твои́х.

Пото́цы безме́рных мук,/ ко хра́мине припрéвшеся, му́чениче, твоея́ души́, не поколебáша сея́:/ на недви́жимем бо кáмени утверди́ся просия́вшего от Дéвы/ и человéческий род просвещáщего.

Богорóдичен: Мари́е, всего́ ми́ра Госпоже́,/ я́ко Гóспода всех рóждши, вра́жия рабóты мя избáви,/ и тогó мучéния исхити́, и спаси́ мя,/ на Тя несомне́нно упова́ющего.

Ин. Ирмо́с то́йже.

Сый прорóческаго испóлнь вдохнове́ния, б́дущих рáзума пáче естества́ научи́вся,/ по́слан был еси́ проповéдати благодáть б́дущую,/ день же крестá ве́домый Гóсподеви, Богоприятне.

Рáзумом духо́вным укра́шен,/ даровъ с́ущих пáче ума́ сподóбился еси́,/ Ангельская́ явлéния, и чи́ны, и вещáния, и сла́вы ви́дев, пребогáте,/ ч́дным научáющия и Божéственным та́йнам.

Свещу́ добродéтелей стяжавъ, просвещéнием Богорáзумия сия́еши,/ та́инственную провозвещáя свещу́,/ ёю́же пáче словесé Слóва воплоще́ние явится́ Боголе́пне от Си́она,/ Заха́рие, прорóче Богоприятне.

Богорóдичен: Поста́вивый Не́бо показá Тя Не́бо словéсное, Богорóдице,/ добрóту Иáковлю возлюбивъ,/ и из чрэ́ва Твоегó Божества́ Сóлнце возсия́ плóтски,/ и мир уясни́л есть благодáтию.

Конда́к, глас 2.

Подóбен: В́шних ища́:

Му́жеством души́ в ве́ру оболкй́ся/ и глаго́л Бóжий, áки копие́, в ру́ку возьмъ,/ врага́ победи́л еси́, му́чеников превели́й Феóдоре,/ с ни́ми Христу́ Бóгу моля́ся не преста́й о всех нас.

Ўкос:

Страдальцев пресветлую доброту, / приидите
 вси, песненными венцы, вернии, Феодора венчаем,
 дар бо Божий велик миру явился сияньми чудес,
 врага бо победив Велиара страдания честными,
 одождяет вместо кровных капель исцелений токи,
 с сими убо всеми радуется Христу и дает мир неоскуден.
 Тем вопием Ему: / моли непрестанно о всех нас.

Ин. Песнь 7

Ирмос: Божия снизхождения / огонь устыдился в
 Вавилоне иногда, / сего ради отроцы в пещи
 радованною ногою, / яко во цветнице, ликующе,
 пояху: / благословен еси Боже отец наших.

Глаголаше, радуясь величия Вседержителя, /
 темже удивльшися, зрящии, прелести оставиша
 мучительство / и верою вопияху: / благословен еси,
 Боже отец наших.

Пленицами премудрых твоих словес, преблаженне,
 радуясь, уловил еси из глубины неразумия
 приступающая / и Божественны мученики
 соделал еси, Феодоре, поющая: / благословен еси,
 Боже отец наших.

В темнице к древу ты связана Ангел свят,
 пришед, разреши, / дерзновение дай и укрепляя
 ты велегласно вопити, Феодоре: / благословен еси,
 Боже отец наших.

Богородичен: Мене, живша в лености / и презревша
 святых Твоих законы и честных Твоих, Христе,
 заповеди, / ущедри и спаси Рождшия Тя
 ради, / яко Благодетель Бог и Многомилостив.

Ин

Ирмос: Отроцы еврейстии в пещи / попраша
 пламень дерзновенно / и на росу огонь преложивша,
 вопиюще: / благословен еси, Господи Боже, во
 веки.

По всей земли твое, пророче, изыде вещание
 Богодохновенное / и глагол твоих сила, вопиющих:
 / благословен еси, Господи Боже, во веки.

Весь вышними зарями просвещен, / будущая
 видел еси, яко сущая. / Темже, пребогате, вопиял
 еси: / благословен еси, Господи Боже, во веки.

Богородичен: Песнями почитаю Тя, Дево, почет-

шую род человеческий, / безчестием лютым первее
осуждённый: / благословён, Всечистая, Плод Тво-
его чрева.

Ин. Песнь 8

Ирмос: Седмерицею пещь / халдейский
мучитель / Богочестивым неистовно разжжé, / си-
лою же лучшею спасены, сия видев, / Творцу и
Избавителю вопияше: / отроцы, благословите, /
священницы, воспойте, / людие, превозносите во
вся веки.

Светло подвизався, врага победил еси, / и пот-
ребль воинства его ору́жии веры. / Темже побед-
ным венцем увязлся еси, поя Владыще: / отроцы,
благословите, священницы, воспойте, / людие, пре-
возносите во вся веки.

По распятии, славне, по страсти блаженней, / по
безмерных ранах, блаженне, / Богу вью твою
приклонил еси, мучениче мудре, / мечем честная
глава твоя усечена бысть, / зовый Владыще: /
отроцы, благословите, священницы, воспойте, / лю-
дие, превозносите во вся веки.

Священное, Феодоре, и многострадальное тело
твое источник исцелений верным бысть, / из
негоже почерпают благочестное притекающим
разрешение страстей и душ спасение, / вопиюще
Владыще: / отроцы, благословите, священницы,
воспойте, / людие, превозносите во вся веки.

Богородичен: Умерщвленную оживи, падшую
возстави, / уязвленную душу мою исцели, / ум мой
умири, / напастей волны укроти, Дево, и вопиющая
мя спаси: / отроцы, благословите, священницы,
воспойте, / людие, превозносите Господа во вся
веки.

Ин

Ирмос: На горе святей прославльшася / и в
купинé огнём Приснодевы Моисеови тайну явль-
шаго, / Господа пойте / и превозносите во вся веки.

Сионе, горó, граде святой, радуйся зело, — /
Божественный Захария, Ангелов собеседник,
повелевает, — / и ты веселися, Иерусалиме, во вся
веки.

Захарие пророче, красуйся, исполняемая видя
словеса, / яже предглагола еси, Духом просвеща-

емь, / Гóспода поющим и превозносящим Егó во вéки.

Посреди́ гор присéнных ви́дел еси́ стоящия́ Ангелы, / и́же над все́ми промы́слению́ науча́ющия́ тя, сла́вный проро́че, / песносло́вьящия́ Христа́ во вéки.

Богорóдичен: Ра́дуйся, престо́ле огнезра́чный Госпо́день, / ра́дуйся, двéре невесте́ственнаго сия́ния, / ра́дуйся, о́блаче лёгкий, я́же Со́лнце Пра́вды возсия́вшая ми́ру, / Чистая́ Богороди́тельница.

Ин. Песнь 9

Ирмо́с: Ужасéся о сем Не́бо, / и земли́ удиви́шася концы́, / я́ко Бог яви́ся челове́ком плóтски / и чре́во Твое́ бысть пространнейшее́ Небес; / тем Тя, Богорóдицу, / Ангелов и челове́к чинонача́лия велича́ют.

Освятíл еси́, Богому́дре му́чениче, сам себе́ / пожéршемуся Агнцу́ и Бо́гу на́шему, / возвы́сився, я́ко всесо́жжение́ благово́нно, к Нему́, / и священно возложе́ние, и соверше́нна и чиста́ благоприя́тна жéртва. / Те́мже ты восхваля́ем и по до́лгу ублажа́ем.

Я́ко утро́, я́ко день светоза́рен, яви́лся еси́, Феóдоре, со́лнце, / свéтлыми твоего́ страда́ния луча́ми и чудесы́, всеблаже́нне, подсо́лнечную благоче́стно просвеща́я / и отгоня́ тьму прéлести и страсте́й на́ших, Феóдоре.

Совокупíлся еси́ со Ангелы́ плóтию, / безплóтныя враги́ побéждь, / и со страда́льческими ли́ки весели́шися всегда́, / и с ними́ Божéственную песнь Трóице возглаша́еши, Феóдоре треблаже́нне, / свети́льниче це́ркве и страсотéрпцев удо́брение.

Земля́ положéнием твоего́ честна́го, Феóдоре, телесе́ освяща́ется, / Не́бо же ра́дуется, дух твой священны́й стяжа́в; / всегда́ челове́цы, па́мь твою́ честную́ творя́ще, / моле́бно про́сим тя моли́венника о нас, преблаже́нне.

Богорóдичен: Боголю́бивая Дéво, / Благо́го моли́ спасти́ мя от скверн всех, / я́звы се́рдца моего́ омывши́ пока́нием чистым и пла́чем слéзным, / да Ты ублажа́ю и велича́ю, Пренепоро́чная.

Ин

Ирмос: *Тя, Неискусобрачную Матерь Бóга Вышняго, / Тя, пáче умá рóждшую слóвом войстинну Бóга, / вы́шшую Пречы́стых сил, / немóлчными славословлénии велича́ем.*

Всяко чýвство оста́вив, / умý Божéственному и чистейшему, всемúдре, светонóсен предстоиши, / о ми́ре молíтвы творя́. / Тёмже вси тя, Заха́рие, блаж́им.

Глаго́лом последующе твои́х устén, Божоявлénне, / Гóспода призыва́ем. / Имже спаса́ем, я́ко й́стины тя проро́ка и проповéдника, Заха́рие, / благочéстно блаж́им.

Милостива соде́лай твоими молíтвами Влады́ку, / священный и благознаменитый пра́здник твой, Богодохновénне, / véрою соверша́ющим и тя любóвию чту́щим, / я́ко проро́ка и Богоглаго́льника й́стиннейша.

Богорóдичен: *Бéздну чудéс Тя и дарова́ний, Богорóдице, пучы́ну, Чы́стая, ве́дуще и я́ве зна́юще, / в Твое́ предста́тельство, наде́ющесея, притека́ем / и спéшно к Твоемý кро́ву прибега́ем.*

Свети́лен мученика.

Подóбен: *Ду́хом во святы́лици:*

Полки́ враго́в и де́монов на́глости до конца́ низложи́л еси́ / и кончы́ну прия́л еси́, Феóдоре блаже́нне, véры ра́ди Зижди́теля твоего́, / я́ко свидéтель й́стины, спаса́еши всех от вся́ких скорбей и вре́да чужда́го.

Сла́ва, и ны́не, пра́здника.**На стихóвне стихи́ры пра́здника, глас 1.**

Подóбен: *Всехва́льнии:*

Я́ко войстинну пресвётлый / Бóжий ковчег, Чы́стая, / очищénие днесь Христа́ принéсши, / в цёрковь вно́сит / и чéстно полага́ет / на рúки Симео́на Богомúдраго, / тёмже освяти́шася / святых ны́не святая́ / и Еди́ному Свято́му сра́дуются.

Стих: *Ны́не отпу́щаеши раба́ Твоего́, Влады́ко, / по глаго́лу Твоемý, с ми́ром.*

Просла́вися днесь, / Христа́ Симео́н, я́ко уго́ль, / Боголе́пно прие́м, / и облобыза́ет, очи́щ устне́, / испове́дается же, и ра́дуется, / и про́сит отпу́ще-

ния./ Того́ ўбо вси, благочестно/ ны́не ублажа́юще,/ немолчными пѣсньми почита́ем.

Стих: Свет во откровѣние языков / и славу людѣй Твои́х Изра́иля.

Двѣрь одушевлена, Чистая Дѣва/днесь Царя́ и Господа,/ Егѡ́же внутрь имѣяше,/ в цѣрковь вно́сит, двѣрьми входя́ща,/ дрѣвле та́йно затворѣнными на землѣ./ Тѣмже, ликую́ще пред лицѣм Ея́ вси,/ Божѣственнымнми пѣсньми Ту восхва́лим.

Сла́ва, свята́го, глас 8:

Страда́льческий соста́вив по́двиг,/ на прѣлесть му́жествовал еси́, Феодоре:/ огневеща́нным язы́ком твои́м посра́мил еси́ Ли́киннѣво безчелове́чество./ Тѣмже и, со А́нгелы ра́дуясь, блаже́нне,/ моли́ Христа́ Бо́га,/ я́ко да Ми́лостив бу́дет нам в день Су́дный.

И ны́не, пра́здника, глас 5:

Испыта́йте писа́ния,/ я́коже рече́ во Ева́нгелиих Христо́с Бог наш,/ в них бо обрета́ем Того́, ражда́ема / и пелена́ми повива́ема, в я́слех полага́ема / и млеко́м пита́ема,/ обре́зание приѣмлю́ща и Симео́ном носима́,/ не мнѣнием, ни приви́дѣнием, но исти́ною ми́рови я́вльшася,/ к Нему́же возопи́им:/ Превѣ́чный Бо́же, сла́ва Тебе́.

НА ЛИТУРГИИ

Блаже́нны пра́здника, песнь 8-я и свята́го, песнь 6-я. Прокі́мен, глас 7: Возвеселі́тся пра́ведник о Господе / и упова́ет на Него́. **Стих:** Услы́ши, Бо́же, глас мой, вневгда́ моли́ти ми ся к Тебе́. **Апѡ́стол к Тимофе́ю, зача́ло 292.** Аллилу́ия, глас 4: Пра́ведник, я́ко фѣникс, процветѣ́т, / я́ко кедр, я́же в Лива́не, умно́жится. **Ева́нгелие от Матфе́я, зача́ло 36. Прича́стен:** В па́мьть вѣ́чную бу́дет пра́ведник:

Святой великомученик Феодор Стратилат (†319) происходил из города Евхаит. Он был наделен разнообразными и яркими дарованиями, которые в сочетании с природной красотой выделяли его среди окружающих. В довершение Своих милостей Бог просветил великодушное сердце святого Феодора глубоким познанием христианской истины. Будучи военачальником в городе Гераклея, святой Феодор нес как бы двойное послуша-

ние: сочетал ответственное воинское служение с апостольской проповедью Евангелия среди подчиненных ему язычников. Его горячая вера, подкрепленная личным христианским примером, отвращала многих от пагубных привычек. В результате почти вся Гераклея приняла христианство.

В то время император Ликий (307—324) начал жестокое гонение на христиан. Желая разрушить но-

вую веру, он обрушил свои преследования не на простой народ, а на благородных и просвещенных поборников христианства, в которых видел серьезную угрозу для отмиравшего язычества. В числе последних оказался и святой Феодор. Произошло это так. Прослышав о храбрости и красоте святого, император захотел его видеть и послал за ним своих приближенных. Святой Феодор принял послов с честью, но решил пострадать в своем городе. Поэтому он ответил императору, что не может сейчас покинуть Гераклею и просит его пожаловать к нему. Император приехал, захватив с собой золотых и серебряных идолов. Он обласкал святого, очень хвалил его управление городом и, чтобы еще более улучшить положение, повелел ему принести перед народом жертвы идолам. Святой Феодор обещал выполнить повеление, но просил сначала перенести идолов на ночь в свой дом. Ослепленный ненавистью к христианству, Ликиний поверил словам святого Феодора. Однако его ожидания были обмануты. Завладев многоценными истуканами, святой Феодор разбил их на куски и роздал нищим. За это он был схвачен и подвергнут жестоким и изощренным пыткам. Нотарий (писец) святого Феодора, святой Уар, едва находил в себе силы записывать, каким тяжелейшим мучениям подвергали его господина. Предчувствуя близкую смерть, святой Феодор обратился к Богу с молитвой: «Господи, рекл ми еси первее, Аз есмь с тобою, ныне же почто оставил мя еси? Виджь, Господи, яко зверие дивии растерзаша мя Тебе ради, избодены суть зеницы очес моих, плоть моя ранами раздробляется, уязвляется лице, сокрушаются зубы, едины точию нагие кости на кресте висят: помяни мя, Господи, претерпевающего крест Тебе ради, железо, и огонь, и гвоздие подъях за Тя: прочее же приими дух мой, уже бо отхожду от жизни сей». Однако Бог, по великой Своей милости, пожелал, чтобы кончина святого Феодора, как и вся его жизнь, принесла благие плоды для ближних. Он исцелил истерзанное тело святого и свел его с креста, на котором тот был оставлен на всю ночь. Утром царские воины застали святого Феодора живым и невредимым. Убежденные воочию в



беспредельном могуществе христианского Бога, они тут же, недалеко от места несостоявшейся казни, приняли святое Крещение. Так святой Феодор явился «яко день светозарен» для пребывавших во тьме идолопоклонства язычников и просветил их души «светлыми своего страдания лучами».

Святой Феодор, не желая избежать мученической смерти за Христа, добровольно вновь отдал себя в руки Ликиния. Он удержал множество уверовавших во Христа от мятежа против мучителей такими словами: «Перестаньте, возлюбленные! Господь мой Иисус Христос, вися на Кресте, удерживал Ангелов, дабы они не сотворили отмицение роду человеческому». Идя на казнь мимо тюрьмы, святой мученик словом своим отверз темничные двери и освободил заключенных от уз. Люди, прикасавшиеся на пути к его одежде, мгновенно исцелялись от болезней и освобождались от бесов.

По приказу императора святой Феодор был усечен мечом. Перед смертной казнью он сказал святому Уару: «Запиши день кончины моей, а тело мое положи в Евхаите, земле

предков моих». Этими словами он просил ежегодного поминовения. Затем, сказав «Аминь», святой Феодор

преклонил голову под меч. Казнь совершилась 8 февраля 319 года, в субботу, в третий час дня.

Пророк Захария Серповидец из 12-ти (†ок. 520 до Р.Х.) происходил из колена Левиина, в книге Неемии он назван главою священнического рода. Святой Захария был с юношеского возраста призван к пророческому служению и стал, по дивному слову церковного песнопения, «зрителем премирных видений». Именно в книге пророка Захарии содержатся вдохновенные пророчества о пришествии Мессии (6, 12), о последних днях земной жизни Спасителя, о входе Господнем в Иерусалим (9, 9), о предании Господа за 30 сребреников и покупке на них земли горшечника (11, 12—13), о прободении ребра Спасителя (12, 10), о рассеянии апостолов из Гефсиманского сада (13, 7),

о затмении солнца во время крестных страданий Спасителя (14, 6—7). «Весь вышними зарями просвещен» пророк Захария «будущая видел, яко сущая». По преданию, этот «истиннейший Богоглагольник» дожил до глубокой старости и по преставлении был погребен недалеко от Иерусалима, рядом со своим знаменитым современником и сподвижником пророком Аггеем. Своим прозванием «Серповидца» Захария обязан одному из бывших ему откровений, в котором он видел летящий по воздуху свиток, изогнувшийся наподобие угрожающего серпа (5, 1—2). Скончался святой пророк Захария около 520 года до Рождества Христова.

В
ТОЙЖЕ
ДЕНЬ



Святителя Саввы Второго, архиепископа Сербского

НА МАЛОЙ ВЕЧЕРНИ

Стихиры на 4, глас 4:



итиѣ непорочно явил еси, святителю Савво, / и к Престолу Господню, прехвальне, дошел еси, / помазався архиерейским миром / и быв пастырь словеснаго стада. / Тем ты ублажаем благочестивно пѣсньми / и всесвященную твою совершаем память.

Знаменьями и чудесами тебе Владыка прослави, / треблаженне Савво: / прогониши бо дүхи / и врачуеши страсти, / дүши же верных просвещаети, / притекающих к святому твоему гробу, / Ангелов равностоятелю, / архиереем сопрестольне, / апостолом единоправне, / благоверия поборниче, / молитвенниче о душах наших.

Благочестиваго корене благая отрасль, / от нея же прозябе цвет благоуханный, / мочи бо твоя

проявляют добродѣтели, / ихже мы облагоухающе, / восхваляем Бѳга, тебѣ прославльшаго, / Савво достоблаженне, / молися Господеви о душах наших.

Слава, глас 1:

Святе и святителю всеблаженне Савво! / посещай стадо твоё / и соблюдай е невредимо от волков нападающих, / заграждая им злоковарная уста, / яко да в мире воспеваем славу твою.

И ныне, чудотворней иконе, или Богородичен.

На стиховне стихиры, глас 2:

Явился еси от младых ногтей, Богоносе, / освящен сосуд, Савво, / и жилище Пресвятаго и Животворящаго Духа.

Стих: Священницы Твои облекутся в правду, / и преподобнии Твои возрадуются.

Радуйся, святителей похвало, отче Савво, / священником слава, / правило монахом, / бельцем украшение / и Церкви утверждение.

Стих: Блажен муж, бойся Господа, / в заповедех Его восхощет зело.

Приими ныне пение / чад твоих, отче святителю Савво, любящих тя, / и подавай сердечная прошения славящим тя.

Слава, глас 6:

Излияся благодать во устнах твоих, / преподобне отче святителю Савво, / и был еси пастьрь Христовы Церкви, / уча словесныя овцы / веровати в Троицу Единосущную / во едином Божестве.

И ныне, чудотворней иконе, или Богородичен.

Тропарь писан на велицей вечерни

НА ВЕЛИЦЕЙ ВЕЧЕРНИ

Блажен муж, 1-й антифон

На Господи, возвах: стихиры на 8, глас 1:

О, дивное чудо, / источник чудедейний, / от гроба твоего возсияют святыя мочи твои, / святителю Христов, Савво преподобне. / Тем, чудес светлостми просветив твои чада верная / и истребив страстей омрачение, святителю, / Христа Бѳга моли / даровати нам велию милость.

Преподобне отче Савво, / испроси яже к Бѳгу

моли́твами тво́ими / Цѣркви утвержде́ние, / иерархи покрѣ́и моли́твою тво́ею, / спобори́ Сѣрбскому наро́ду тво́ему / и всем правосла́вным христиа́ном, притека́ющим к ра́це мощѣ́й тво́их / и свѣ́тло творя́щих пра́зднство успе́ния тво́его, свя́те, мо́лимся.

Весели́ся и ра́дуйся, христоименитая Патриарх́ие Сѣрбская, / такова́ имѣ́вши святите́ля и проповѣ́дника благода́ти. / Воспой́м, ве́рнии, Дави́да иму́ще ликонача́льника: / священни́цы бо Тво́и облеку́тся в пра́вду, / и преподо́бнии Тво́и возра́дуются, / прося́ще у Христа́ ми́ра и ве́лия ми́лости.

Ины́ стихи́ры свя́таго, глас 4:

О́тче Богоуго́дниче Са́вво, / наказате́ль священников и все́й страны́ Сѣрбския, / звезда́ пресвѣ́тлая, / осиява́ющая чудеса́ми вся ве́рныя, / ты бо Бог пре́жде избра́ от ю́ности, о́тче, / па́стыря овца́м словѣ́сным. / Те́мже преподо́бных лик ты воспри́ят, / с ни́мже моли́ ста́ду тво́ему да́ти оставле́ние грехо́в / и спасе́ние ве́чное.

Гроб твой держи́т честное́ тѣло, а́ки бога́тство, / обогаща́ющее чудеса́ми всех, / иже ве́рно притека́ют к тебѣ, / блаже́нне святите́лю Са́вво, / имѣ́ющему о́бласть вяза́ти и разреша́ти, преподо́бне, / разреши́ вся согреше́ния / пра́зднующим свѣ́тло твоѣ́е успе́ние / и Ца́рствия Небе́снаго сподо́би их моли́твами тво́ими.

Прииди́те, ве́рных собо́ри, / псаломски воспле́щайте рука́ми, / печальных утѣшителя, / отча́янных заступника, / Божѣ́ственного Са́вву воспева́юще, / похвалу́ земли́ Сѣрбския, / всего́ священства украше́ние, / реку́ ми́лости войсти́ну, / Божѣ́ственного Христо́ва смире́ния ревни́теля, / пода́ющего ми́ру ве́лию ми́лость.

Добродѣ́тельми свѣ́тло процвѣ́л еси́, / яко ма́слина плодови́та, в до́му Бо́жии, / туча́ми тво́их пречи́стых моли́тв. / Отону́дуже себѣ свещу́ вжег свѣ́тло, / вшел еси́ в Небе́сныя оби́тели / иде́же воздаде́ся тебѣ́ венѣ́ц воздая́ния: / не да́л бо еси́ сна сво́йма очы́ма, / ни ве́ждома сво́йма дрема́ния, / донде́же усну́л еси́ сна́м о́бщим, / преподо́бне святите́лю Са́вво. / Христу́ мо́лися дарова́ти душа́м на́шим мир и ве́лию ми́лость.

Слава, глас 8:

Веселіся и радуйся днесь, Сѣрбская странѣ, / красуйся и ликуй, великая цѣркви, Патриархіе Сѣрбская, / дѣвна в правде, в нейже лежит святая рака, / имущая дар благодатнаго исцелѣнія. / Святителю великій Савво, / ты бо, смиреніем стяжав целомудріе, / твоими молитвами даѣши посѣбие / к победѣнію супостатов своих и народных, / тебѣ бо Христос показав великое свѣтло Сѣрбскому роду, / ты ему похвала, ты защищѣние; / твой гроб безмѣдна врачба предлежит, / к нему же приходящии слепіи верою просвещаются, / хроміи, влекущися, скачуще, отходят, / недужнии исцеляются, / беснующіи бесов избывають. / Тем и мы днесь вси, почитающе честное твое успение, / молим тя, преподобне отче, / миру испроси и душам нашим велию милость.

И ныне, праздника, глас 5:

Ветхий дѣньми младенствовав плотию, / Материю Девѣю в цѣрковь приносится, / Своего закона исполняя обещаніе. / Егѣже Симеон приимь, глаголаше: / ныне отпускаѣши с миром, / по глаголу Твоему, раба Твоего, / видѣша бо очи мой спасеніе Твое, Святый.

Прокімен дне, чтенія святительская три (зри страницы 413—415).

На литий стихіры самогласны, глас 6:

Возсия днесь, яко солнце, / и, яко молнія, возблиста, отче, вещаніе твое, / и, якоже гром, возгремѣ с Небесѣ, / имѣл бо еси свѣше вдохновеніе истинно; / ныне же честныя мѣщи твоя / неугасимыя лучи чудес испущают / от грѣба, яко от чертога свѣтла, / просвещаяще души поющих тя.

Преславно прославися святая цѣрковь, / в нейже положены бѣша честныя мѣщи твоя, / к ним же люди благовернии притекающе, / неисцѣльнымъ страстемъ приемлют исцелѣнія / о имени твоѣм, святителю Савво, / моли Христа Бога, / да спасет души наша.

Святителей удобреніе, Савво премудре, / столпе и утверждѣніе Цѣркве, / Богословія труба златокѣванная, / Троицы побѣрнице, / благочестія законписче, / нам, празднующимъ честное успеніе

твоё, / тѣмже лобызаем честный гроб твой / и молимся тебѣ, / святителю Христов, Савво пребогате, / испроси пастве твоей грехов оставление / и всех нас добре сохрани, / да вси ублажаем тя.

Слава, глас 8:

Наста светоносный день, чудотворца, / архиепископа Сербскаго Саввы, память. / Приидите, сошедшися, празднуем светло, / составим лики и похвалами почтим. / Радуйся, Симеоне, корене благочестия; / радуйся, Савво святителю, первопрестольный рода нашего; / радуйся, Симеоне первовенчанный, благая ветве; / радуйся, Савво второй, лозо истинная, / приносящая нам цвет веселия; / радуйся, честный светильниче Сербския земли, / источаеши бо чудеса, / изливаеши исцеления / и молишися о душах наших.

И ныне, чудотворней иконе, глас тойже:

Егда просвещашеся Сербский народ:

На стиховне стихиры, глас 8:

Что ты наречем, святителю Савво? / звезду, озаряющую поднебесная, / мира ли красование всечестное, / озаряющее люди лучами велений благоверия, / ересей же тьму отгоняющее. / Моли, преподобне, от тли и бед избавитися / верою творящим святую память твою.

Стих: Священницы Твой облукются в правду, / и преподобнии Твой возрадуются.

Что ты наречем, святителю Савво? / реку ли, изливающую исцеления независтно / всем, верою приходящим к твоему святому гробу, / или источник, источающ учения медоточная во вся концы / и верныя просвещающ. / Молися, преподобне, спастися душам нашим.

Стих: Честна пред Господем / смерть преподобных Его.

Приидите, торжествуем светло память святителя Саввы чудотворца. / Преставися бо от земли к невестественным обителем, / идеже зрит доброту неизреченную, / ангельским ликом собеседник быв. / Темже, со апостолми и мучениками ликуя, / отче наш, Савво пребогате, / молися прилежно Христу Богу / о чтущих верою святую память твою.

Слава, глас 5:

Благодать Святаго Духа / действует в раце
 мощей твоих / на тех, иже с верою притекают,
 испущают бо оне миро благовонное / и подавают
 недугов исцеление. / Темже, преосвященне святителю
 Савво, / имея дерзновение к Богу / и со
 Безплотными ликуя на Небесех, / молися спастися
 стаду твоему от всяких бед.

И ныне, праздника, глас 6:

На руках старческих во днешний день, / яко на
 колеснице херувимстей, / восклонитися благоиз-
 воливый, Христэ Боже, / и нас, поющих Тя, /
 страстей мучительства избави / и спаси, яко
 Человеколюбец.

Тропарь святого, глас 4:

Исправление веры и образ кротости, / и
 якоже сад посреде рая, / преподобными
 дела твоими мир просвещаеши, / сего ради к
 честней раце мощей твоих любовью прикасаем-
 ся, / лобызаем их и верно вопием: / предстани в
 помощь воспевающим память святую твою и
 светоносную, / святителю отче Савво пребогате,
 молимся, / Христу Богу молися / спастися душам
 нашим.

**Слава, и ныне, чудотворней иконе, глас 4: Днесь
 светло красуется: или Богородичен, гласа.**

НА УТРЕНИ

**На Бог Господь: тропарь святого дважды. Слава,
 и ныне, праздника.**

По 1-м стихословии седален, глас 1:

Плоды словесныя принося, мудре Савво, Госпо-
 деви, / восхваляеши Его со архиереями и препо-
 добными. / Темже с ними и радуешься в земли
 живых, / зане славу их возлюбил еси. / Сего ради,
 отче священне, / непрестай молити Царя Небесна-
 го за весь народ Сербский, / Единого Человеко-
 любца.

Слава, и ныне, праздника, глас 3:

От Девы Тя воплощенна, Христэ, радуяся,
 подъят священный Симеон, / ныне отпускаеши,

вопиёт, раба Твоего, Владыко. / Анна же, непорочная пророчица и славная, / ныне исповедание и пение приносит Тебе. / Мы же, Жизнодавче, вопиём Ти: / слава тако Благоволившему.

По 2-м стихословии седален святого, глас 3:

Милостивому Христову угоднику, незлобивому и кроткому, / вси тебе зовём, прилежно молящися: / разреши междоусобную страстей наших брань, / разруши злочестивая агарянов коварства и покорй их, присноблаженне, / всяческих же искушений избави любовьию воспевающих тя.

Слава, и ныне, праздника, глас 8:

Родился еси на земли, Собезначальный Отцу, / принёлся еси в церковь, Непостижимо. / Радуясь же, старец на руки Тя восприят, зовый: / ныне отпускаеши, егоже посетил еси, по глаголу Твоему, / благоизволивый спасти яко Бог род человеческий.

По полиелее седален святому, глас 8:

Проповедует, отче, твоё чудеса ныне Сербская Патриархия и всяка страна отечествия, / яко от болезней и скорбей избавляеши вся, Богоблаженне Савво, / питателю вдовиц, и сирых, аки отец, / помощник в скорбех всеизряден, / плачущих утешение, / пастырь и наставник блуждающим, Савво преподобне, / избави нас от бед молитвами твоими, / прося у Христа Бога прегрешений оставление / верою и любовьию чтущим святую память твою.

Слава, и ныне, чудотворней иконе, глас 4: Пречистый образ Твой: Таже, степенна, 1-й антифон глас 4:

Прокимен глас 4:

Священницы Твой облекутся в правду, / и преподобнии Твой возрадуются.

Стих: Тамо возвращу рог Давидови, уготовах светильник помазанному моему. Всякое дыхание: Евангелие от Матфея, зачало 10.

По 50-м псалме стихира, глас 6:

Духа Святого благодать / излийся во твоих устнах, отче, / и был еси пастырь Христовы

Цѣркве, / уча словѣсныя овцы / вѣровати в Трѳицу
во единомъ Божествѣ.

Канѳнъ святѳго, гласъ 8. Катавѳсія прѳзднака.

Пѣснь 1

Ирмосъ: *Вѳду прошѣдъ, яко сѳшу, / и егѳпетскаго
зла избежавъ, / израильтянинъ вопиюще: / Избѳвители
и Бѳгу нашему поимъ.*

Бѳжественными зарѳями и священными
светосияньми / прѳсно мою дѳшу озари, отче, /
славяща твой прѳзднекъ, иерѳрше.

Из корене благаго блажайшая ѳтрасль прозябл
есѳ, / Бѳжия рѳзума водѳми напѳяемъ. / Тѣмъ и плодъ
благоуханенъ явилъся есѳ житиѣмъ своимъ ѳт юности, /
веселяя сердца и дѳши поющихъ тя.

Возлюбивъ мѳдрости начало, страхъ Бѳжій, / и
зѳповѣдемъ егѳ прѳсно поучаяся, / насадилъся есѳ,
аки древо, при исхѳдищихъ водъ духовныхъ, / ѳт
нихже, ѳтче, напѳяемъ, / плодъ Христу, Сѳвво,
принеслся есѳ прѳсладкий.

Всесветлую тя звезду Мѳсленное Сѳлнце пока-
зѳ, / свѣтлость твоихъ добродѣтелей просветѳ зѣмлю
нашу, / святителю Христовъ, ѳтче Сѳвво.

Чистотою любве одержимъ, / благородиемъ души
поработилъ есѳ плотолюбие, / темъ ныне, венцы
чистоты приѣмля, со Ангелми у Христа веселиши-
ся, / Егѳже моли за насъ, ѳтче Сѳвво.

Житиѣ, прѳсно очищенно и чисто / и скверне
несмешенно, явивъ, / показѳлся есѳ на землѳ Хри-
стовъ священныи сосѳдъ, / премѳдре Сѳвво бла-
женне.

Богородиченъ: *Со Отцемъ Сый Единородный /
земныя обожѳ, Чѳстая, / за многия щедрѳты, яко
Богъ Прѳблагий.*

Пѣснь 3

Ирмосъ: *Небѣснаго круга Верхотворче, Господи, /
и Цѣркве Зиждителю, / Ты мене утверди в любви
Твоей, / желаний краю, верныхъ утверждение, /
Едине Человеколюбче.*

Сынъ дне и свѣта явился есѳ, святителю, трудами
твоими, / ныне же во свѣтлостехъ святыхъ ясно
сияеши благодѳтию.

Светильникъ души своея слезѳми украшая / и
рано ѳтрення ко Христу / рукъ своихъ простѣртиемъ

в моли́твах, / своё тѣло, мы́сленнаго Амалі́ка, умертвил еси́ / и на го́ру безстра́стия возше́л еси́.

Пу́ть нечесті́ваго искуше́ния обличі́л еси́ всем прельще́нным, / привѣд их к Сло́ву Па́стырена-ча́льнику, / яко па́стырь словѣсный и спаса́тельный.

Безстра́стия любóвию подстрека́емь, / плотскáя взыгра́ния изсуши́л еси́, / ду́шу же свою́ Божѣ-ственными сия́ньми просвети́л еси́, / тѣмже мо́лимся и нам уллучи́ти свет разумный, óтче Сáвво.

Благоро́дием высо́к, доброду́шием изы́щен / и ра́зума му́дростию удивле́н был еси́, сия́я чистото́ю, / яко цвет, украси́вся, Сáвво óтче, све́тлым смире́нием.

Правове́рно, преподо́бне, Це́рковь Христо́ву упáсл еси́, / отгна́в еретическія плѣвелы, / ны́не же во Вы́шних водворя́еши, преблаже́нне.

Богоро́дичен: Разумно в купинѣ огнепáльней ви́де Тя Моисей, / ясно образу́ющей Бо́га, хотя́ща роди́тися из Тебе́ неизрече́нно, Богоро́дице Присноде́во.

Седáлен, глас 8:

Укращáяся премудростию ра́зума, / низложи́л еси́ горды́ню плотскія́ тяготы́ / и был еси́ обите́ль Ду́ха Пресвята́го, / непрѣстанно простира́яся ра́зумом к любя́щему Тя. / Тем, ре́вностию Божѣственною разгара́яся, сла́вне, / яви́лся еси́ сирота́м и убо́гим утвержде́ние / и Ангелом собесѣдник, Сáвво, / моли́ Христа́ Бо́га грехо́в оставле́ние подáти / чту́щим любóвию святу́ю па́мять твою́.

Сла́ва, и ны́не, прáзднику, глас 4:

На горѣ Сина́йстей дрѣвле ви́де Моисей за́дняя Бо́жия / и то́нкий Божѣственный глас сподо́бися во мрáце и ви́хре слы́шати; / ны́не же Симео́н воплоще́ннаго Бо́га непрелóжне нас ра́ди на ру́ки при́ят / и радостно тща́шеся ити́ от сущи́х zde к живото́у вѣчному. / Тѣмже вопи́яше: / ны́не отпу́щаеши раба́ Твоего́, Влады́ко.

Песнь 4

Ирмо́с: Услы́шах, Го́споди, / смотре́ния Твоего́ та́инство, / разумѣх дела́ Твоя́ / и просла́вих Твое́ Божество́.

Предвѣдый Бог, блаженне, твоея души красоту и разума чистоту / священнопроповѣдника мудра и учителя показá ты.

Духом просвещен сый, сущия во тьме прелести просвещáеши / и твоим сладким поучением сыны дне совершáеши, святителю Савво.

От тем зверей избáвил еси, стадо твоё растерзати ищущих, / но ты, яко бодр архипáстырь, и ныне ревнуеши о сохранении рода и отечества твоего.

Рукою великаго архиерея Сербскаго Арсеня / и освященнаго собора приѣмлещи помазание архиерейства / и, Духом воздвигаемъ, отче Савво, / и пáстырь роду Сербскому и обители твоей столп был еси.

Мир утвердися в обители твоей, иерарше, / и в твоём роде и епископстве молитвами твоими, / молися прилѣжно в мире утвердйтися миру, святителю Савво.

Твои родители бѣша рачители и теплы подражатели Христу Богу, / Емуже создаша храм прекрасный во имя преславнаго Вознесения Господня. / Тѣмже в храме Его тѣло своё полагаеши, / аки во дворы Спаса своего.

Богородичен: Имея Тя Помощницу, когó убоюся когда или страшуся? / Кто же, хотя скорбная навести рабу Твоему, / не утрашится Тебѣ, Пречистая, и не падает на нозе?

Песнь 5

Ирмос: Просвети нас повелении Твоими, Господи, / и мѣшцею Твоею высокою / Твой мир подаждь нам, / Человеколюбче.

Прильпе любовью душа твоя ко Господу, святителю блаженне, / тѣмже тѣло твоё честное / в честном храме Его нетленно во многая лета соблюдѣся.

Прослави тя Господь, Савво пребогáте, / и тѣло твоё соблюде на многая лета нетленно, / являя тя общника рабom Своим, / ихже и по смерти достойно соублажаеши, блаженне.

Красота говения твоего, еже ко Господу, / привлече благодать благолепию души твоея, священне, / и возведѣ ты великому роду Сербскому отца, / и архипáстыря показá ты, преподобне.

Пёсньми почтѣл еси пámять иерáрха Сáввы пёрваго / и хвалáми, яко достóйно, ублажил еси тогó. / Ны́не же сам, иерáрше Сáвво, причáствуеши похвалáм егó / и по сотворéнию твоёму к ближнему восприёмлeши.

Прино́симое аки честнóе возно́шение Бóгу первопрестóльником Сёрбским Сáввою / твоё священное пáстырства возведéние, / яко пасу́щу ти Господни лóуди, Сáвво святителю, преподóбием и крóтостию.

Возлюбил еси, архиерее, священныя мýжи пёсньми восхваля́ти, / яко рачитель добрóты их и подражатель деяний Боголюбéзных.

Богорóдичен: Низложѣ, Влады́чице, врагóв моѣх шатáние, / Тя бо ѣмам и Предстáтельница, и наде́жду, и пóмощь крѣпкую, / Ты мя соблюди́, Чѣстая, навѣта вра́жия и лáяния их.

Песнь 6

Ирмос: Молѣтву пролию ко Гóсподу / и Тому́ возвещу́ печáли моя́, / яко зол душá моя́ испóлнися / и живóт мой аду прибли́жися, / и молю́ся, яко Иóна: / от тли, Бóже, возведи́ мя

Возвѣ́шенное смире́ние, чистоту́ ума́, / любовь нелицемерну, веру и наде́жду имея́ истинну, Сáвво всесла́вне, / Трóицы явился еси́ жили́ще.

Се, премудре, Дýха благодáтию бывáеши наставник словéсных овец, / ихже привóдиши к жёртвеннику добродéтелей.

Патриáршее седáлище украсѣся тобою, / ты бо, прехвáльне, учит Дух Святы́й / и тебе́ пáстыря руко́ю святительскою соверша́ет.

Весь ўбо ум вперѣв к высотé, / земна́я же ни во что же вмени́в, / смире́нием, досто́блаженне Сáвво, вы́сокая восприя́л еси́.

Хвалáми да почтѣм тре́блаженнаго отца, / иже Небесна́я возжелáв, земна́я же оста́вив, / усёрдно потечé, яко елeнь на истóчник, / последовав стопáм родителей своих.

Святительства прáвило святителем показáлся еси́, / дeтельнаго же подписа́ние. / Сло́во Твоё обрeте образ видéния, / Богослóвия же твоегó предéл учéнию явѣся.

Богорóдичен: Сло́во О́тчее, / предпочи́стившися, / о Чистая, Ду́хом словéснаго естества́, / на благоде́яние роди́ла еси́.

Кондак, глас 8:

Яко архиереем сопрестóльник / и святителем изрядный побóрник был еси́, святителю Савво, / сохраняяй отéчество, обитель, град же и лю́ди, почита́ющия тя véрою / и честным твоим мо́щем покланя́ющияся, / да велегласно тебе́ вопи́ем: / ра́дуйся, Савво Богому́дре.

Икос:

От чре́ва ма́терня хва́лит освяще́ннаго святите́ля Господня́ вся страна́ Сёрбская, / преподо́бнаго Савву, своему́ отéчеству утвержде́ние, / приёма́шаго благодáтныя да́ры Божéственныя сла́вы, / к нему́ же притека́ем вси с véрою / и любéзно целу́ем ра́ку мо́щей егó. / Те́мже мы, недостóйнии и грéшнии, / надéющеся на моли́твы тво́я, святителю, / яже ко Влады́це и Пречи́стей Егó Ма́тери, / желáем, аки пси, прияти насыще́ние от крупи́ц, / па́дающих от трапéзы господéй свои́х, / и еже в День сýдный уллучи́ти облегче́ние соде́янных ра́ди зол, / да велегласно тебе́ вопи́ем: / ра́дуйся, Савво Богому́дре.

Песнь 7

Ирмо́с: *От Иуде́и доше́дше, отроцы / в Вавилóне иногдá / véрою Трóическою пла́мень пéщный попра́ша, пою́ще: / отце́в Бо́же, благословен еси́.*

Процвёл еси́, яко́ фíникс, во двóрех Божиих / и до́лжным сном преподо́бных усну́л еси́, / сегó ра́ди гроб твой бывáет наслажде́ние нам, / и сам, проповéдниче Савво, показу́еши чýдо ви́дящим. /

Самовóльне оста́вил еси́, отче наш Савво, вся славная, и срóдная, и подру́жная, / последовав Христу́ Бо́гу, по Ева́нгельскому глаго́лу.

Вопло́щагося Сло́ва слугá был еси́, Савво Богогласе, / мно́гия бо лю́ди изба́вил еси́ безсловéсия, / яко́ Божéственный учени́к Возсия́вшаго.

Тле́нная оста́вив, треблаже́нне, восприя́л еси́ нетле́нная, / насыща́йся Божéственныя свéтлости во двóрех Го́спода на́шего, Савво премудре.

Лю́дие тво́й, отче, и ча́да Ду́хом Святы́м порождéнна, / жа́лостная оста́вьше, ра́достная тебе́

воспевают пения, вопиюще: / не остави нас, святе, в радости Господа твоего /, моля о душах наших.

Наследовав, яко сын возлюбленный, отеческую мудрость и добродетель, / приемник был еси Божественнаго престола, / стопам Евангелиста последуя.

Богородичен: Свѣше Тебѣ глас радостно возопи, Ангел, Богородице, / неизреченное Владыки возвещая Тебѣ зачатие.

Песнь 8

Ирмос: Царя Небеснаго, / Егѡже поют вси Ангельстии, / хвалите и превозносите во вся веки.

Вразумлял еси неразумныя, / обращал еси прельщенные, / соврацающия же, отче, спасл еси, / привѣд их к Бѡгу, поющия: / благословѣн еси, Господи Бѡже отѣц наших.

Нѣне лице Христово созерцай, ты, о Савво, / союзу бо телесному разрешшуся, / соединился еси с твоим желанием.

Твое слово уподобися войстинну реце, о Савво, / наводняющей своим течением сюду и сюду, / злославных же ухищрения отвращающей.

Хоругвь Христова, христианом хвала, по апостолу, отче Савво, зывал еси, / ничим же хваляся, токмо о Кресте Господа нашего Иисуса Христа.

Кроткое и молчаливое нрава твоего восприим, Господь, блаженне, / постави тя пастыря людем Своим, / на кого бо призирает, аще не на кроткаго, и молчаливаго, / и трепещущаго словес Егѡ.

Уста вдовиц благословина ты, / заступления твоего сподобльшися, иерарше блаженне, / ты бо благоугождал еси Бѡгу по непорочному Иову, / изымавшему обидимыя от насилія.

Богородичен: Боголепная Дѣво, / озлобленную мою душу грехом / ублажи благостию рождшагося от Тебѣ Господа Бѡга.

Песнь 9

Ирмос: Войстинну Богородицу, / Тя исповѣдуем, / спасенни Тобою, Дѣво Чистая, / с Безплотными лики Тя величающе.

Яко свет, яко свѣщник, / яко великое солнце, яко молния, Христовы Церкве возсиял еси, / и верных разумы просветил еси, / и в невечерняя места

вселился еси, / поя трисвятыми гласми Троицу Несозданную.

Воздух убо освятися благовоением мощей твоих, Савво блаженне, Христов святителю, / Церковь же и обитель твоя Патриархия, веселящаяся, вопиет: / благословен Бог отец наших.

Плотию мира кроме быв, святителю, / и в прекрасных чина своего обитая, / обогащаеши род наш творением светлым. / Темже память твою верою совершаем на земли, Савво премудре.

Царский цвет Церкви цветет, Крест истинный, / ты же, святителю Савво досточудне, возьми той крест, / потекл еси царским путем, вопия: / благословите, вся дела Господня, Господа.

Земля тело твоё блаженное скрывает, / яко исцеления точащее верным, / небо же дух со избранными от века носит, / Божественными сияньми озарен войстину.

Красно убо Церковь веселится в памяти твоей, о святителю треблаженне Савво, / Сербский же родове стекаются, празднственная тебе приносяще / и восхваляюще Христа, тебе прославльшаго.

Богородичен: Дево Преблаженная, / ублажаем Тя, роди человечести, / яко родила еси Спасителя душ наших.

Светилен святого:

Чуднаго и славнаго святителя Савву великаго, / приидите, Сербстии роди и собори, песньми Божественными / и священными гласми восхвалим, / яко сопрестольна Патриархии Сербской / и ангельским чином сослужбника.

Слава, святого:

Славно красится днесь светозарное Сербское торжество, / иже во свете славы Божия предстоит, святителю Савво блаженне, / помяни нас, хвалящих твою память.

И ныне, праздника:

Духом во святителищи представ, старец / на руки восприят закона Владыку, вопия: / ныне союз мя плотских разреши, / якоже рекл еси, с миром, / видех бо очима откровение языков и Израилю спасение.

**На хвалітех стихіры святому на 6,
глас 6:**

Рукóю великаго архиерéя Сёрбскаго, Арсéния, / кúпно со судóм освященнаго Собóра / приéмлеши помáзание архиерéйское / и, Дúхом воздвизáемь, óтче Сáвво, / полагаéшися в пáстыря Сёрбскому рóду и Патриархии.

От тем зверéй, ищущих разтерзáти стадо твоé, / Сёрбский род избáвил есѝ, / яко бодр архипáстырь, / сохраняя старéйшинство свое.

Мир умирѝся, иерáрше, твоѝми молітвами. / Просѝ и нам утвердѝтися в міре / молітвами твоѝми, святітелю.

Своѝм родітелем тёплый рачітель / и подражáтель был есѝ, / тѝи бо создáша прекраснѝй храм / во имя преслáвнаго Вознесéния Господня, / тѝмже в тóмже храме полагаешися, / аки во дворы Спáса своего.

Прослáви тя Господь, Савво пребогáте, / и тѝло твоé соблюде на многая лéта нетлénно, / тем бо был есѝ общник рабóм Егó, / подражáя им житиём, / сегó рáди соублажáешися с нѝми и по смёрти.

Красотá говéния твоегó ко Господу / привлечé благодáть благолéпия душѝ твоея, священне, / и поста́ви тя бы́ти Сёрбскому рóду / отцá архипáстыря и святітеля.

Слáва, глас 1:

Днесь свѝтло красúется святéйшая Патриархѝя Сёрбская / в пáмяти треблажénнаго отцá Сáввы, / днесь и мы, обстояще и облобызáюще рáку егó, / аки Боголюбѝвая егó чáда, / и хвáляще его, вопиём: / дѝвен Бог во святѝх Своѝх, / в цѝрквах благословѝм Тя, Гóсподи.

И ны́не прáздника, глас 5:

Испытáйте Писáния, / якоже речé во Евангелиих Христóс Бог наш, / в них бо обретаём Тогó раждáема / и пеленáми повиваема, / в яслех полага́ема / и млеко́м пита́ема, / обрѝзание приéмлюща и Симеóном носѝма, / не мнѝнием, ни приви́дением, / но истиною мѝрови явльшася, / к Немú же возопиём: / превѝчный Бóже, слáва Тебé.

Славослóвие вели́кое и отпу́ст.

НА ЛИТУРГИИ

Блаженны от канона празднику и святому. Тропарь и кондаки празднику и святому. Прокимен, глас 7: Честна пред Господем смерть преподобных Его. Стих: Что воздам Господеви о всех, яже воздаде ми. Апостол ко Евреем, зачало 318. Аллилуия, глас 2: Священницы Твой облечутся в правду, и преподобнии Твой возрадуются. Евангелие от Иоанна, зачало 36, от полу. Причастен: В память вечную будет праведник:

Святитель Савва II, архиепископ Сербский, был сыном короля Стефана Первовенчанного и племянником святителя Саввы I, архиепископа Сербского (†1237; память 12 января). Он родился около 1200 года. Мирское имя святого было — Предислав. Следуя примеру своего великого родственника, Предислав принял постриг с именем Саввы и подвизался в Хилендаре — Сербском монастыре на Святой Горе Афон. Он побывал в Святой Земле, где поклонился Гробу Господню и видел все места страдания Спасителя. Из Хилендара святого отозвали для хиротонии во епископа Хушского. В 1266 году святитель Савва стал архиепископом Сербским. Он управлял Церковью с великой преданностью и любовью. Как пишет его биограф, святой архиепископ Даниил, зная «...что каждый будет отвечать за данный ему талант», архиепископ Савва II неустанно заботился о дарованном ему Богом стаде Христовом. Святитель преставился в 1271 году в Пече. Мощи его находятся в монастыре Печ.

